

澄城縣志卷二

陽湖洪亮吉孫星衍同撰

城屬二 故城十二內三城無考 今城一

元里故城

史記六國表晉文侯十六年 殺秦築元里

陝西通志元里故城在澄城 縣南十五里

王官故城在今縣西北四十里

魏王泰括地志王官城在澄 城縣西北六十里左傳秦伐晉

取王官卽此

李吉甫元和郡縣志王官故 城在縣西北春秋傳曰俘我王

官翦我羈馬

樂史太平寰宇記王官城卽 邑名也廢城在縣西北又成公

澄城縣志卷二

十三年晉侯使屈相絕秦俘 我王官卽此

明陝西通志王官故城在澄 城縣西北四十里

舊志同

南郊故城在今縣西北

括地志澄城縣西北七十里 有南郊故城又有北郊西郊皆

卽孟明伐晉所取

舊志同

新城故城在今縣東北二十里

太平寰宇記新城左氏傳文 公四年晉侯伐秦圍祁將城而

是此也

舊志新城在澄城縣東北二 十里

北徽故城在今縣西南

太平寰宇記徵城在縣西南三十二里卽左氏文公十年秦伐晉取北徵是也漢以爲徵明同州志徵城縣西南二十五里有北徵城今名避難堡

長城故基在今縣南
縣圖縣南五里有古長城基
亮吉按此蓋魏之長城

漢徵縣故城在今縣西南二十五里
太平寰宇記漢徵縣故城在縣西南二十二里

明同州志澄城縣西南二十五里有北徵城漢置徵縣于此縣圖漢縣城在縣西南今基址尚存

魏澄城郡故城
元和郡縣志後魏太武七年分郃陽縣置澄城縣又于今縣

澄城縣志卷二

理置澄城郡
亮吉按澄城縣城舊志云後魏時置則後魏澄城郡城卽今

縣城是也
杏城故城

地形志澄城縣有杏城
亮吉按元和郡縣志有杏城鎮云本上郡雕陰縣地則非此

可知此杏城今無可考
三門縣故城在今縣西北三十里

地形志三門真君七年置
明陝西通志三門廢縣在澄城縣西北三十里今三門卽

其故址
陽范城及衙城故城

地形志三門縣有陽苑城舊城

亮吉校二城所在今皆無可考

唐長寧縣故城在今縣西北四十里

新唐書地理志武德三年析置長寧縣貞觀八年省

舊志長寧城在今縣西北四十里長寧河南今故址猶存

今縣城在同州府北一百里後魏時建唐宋元明

國朝皆因之

縣圍城後魏時建周三里有奇高二丈五尺土築池深一丈三尺

舊志土城方三里有奇建築莫知所始正統景泰宏治相繼

增修嘉靖丙午邊事猖獗知縣徐效賢奉檄築壘高深倍昔

戊申乃重修四城門知縣鄭光溥又改建北門己酉又建四

登城縣志卷二 城隍

三

郭門各有記時南郭門未就知縣敖佐繼成之崇正癸酉知

縣王選于城頭增土三尺兼并堞堞癸未乙酉間圯至

國朝順治五年知縣姚欽明重修始開水門

縣册乾隆三十一年知縣額樂春重修

署元縣署在城內西北隅元末毀于兵燹明洪武二年縣丞樂

韶始建廨宇嘉靖中知縣鄭光普增修崇正中寇燬正堂縣丞

梁才重建

國朝順治六年知縣姚欽明增修爲堂五楹前爲儀門三楹堂

東西爲六房共十九楹堂左爲書房三楹又左爲儀仗庫今廢

堂右爲銀庫堂後爲知縣內署明知縣敖佐葺知縣姚欽明增

修乾隆三十年知縣戴治又修又于署右增建書房三楹門庭

三楹

將丞署在縣署左

主簿署今廢

教諭署在新按察司右

訓導署在布政司左

典史署在縣丞署之東吏舍在縣署六房後

申明旌善亭在縣署前

舊後樂園在縣丞署左今廢為馬廐

舊退思亭在故後樂園內

榜房在縣署右今廢

馬神廟在縣署大門右

馬廐在儀門外今廢

獄禁在儀門右

涇城縣志卷二 城隍

四

舊陰陽學在縣署東南隅

舊醫學在陰陽學西今俱廢

僧會司在精進寺

道會司在崇壽宮

稅課局在南門內

預備倉在縣署南

縣倉在儀門外

以有今悉廢

社倉縣治及鄉鎮

養濟院在縣西門外

漏澤園在南陌

舊軍器局在縣治右今廢

惠民局今廢

布政行司久廢

按察行司久廢

演武場在縣郭外地一十六畝明知縣敖佐勸開除稅糧
石一斗八各里代納衆心允協焉

橋二崆峒橋在縣西十里

空子橋舊名天險門在縣西北八十里明嘉靖丙午知縣徐
賢奉檄創築題曰天險與騰關中人督修

渡一洛河渡在縣西二十里通蒲城縣

舊宮一隋避暑宮在縣東北五十里乃隋文帝築以避暑舊
稱林木交加河流盤曲一方勝槩水環宮後岸善崩碑刻沉沒
無可考後改爲治平寺

澄城縣志卷二 城隍二

五

十七年重修岱嶽廟記古蹟則有隋文帝魏元成之舊莊今且
失其處矣

魏鄭公莊在縣北二十五里修善村今名大賢村唐太宗所賜
魏徵莊也其子孫世居焉宋浮休居士張舜民過此有詩曰兒
童不識字耕稼魏公莊或云長輔鎮西亦有魏莊

府一伏龍府在縣南五十里唐置兵之所新唐書肅宗時太原
三榮爲伏龍府折衝

寨一親隣寨在縣北二十里元陝西平章李思齊命將所築
爲屯守

驛三勾倉驛卽縣東南寺頭鎮

撲地驛在縣東撲地河

賢相驛在縣西北長輔鎮因魏鄭公得名

舊志稱石道立曰諸驛相傳謂設于宋廢于元今吾縣馬牛
 驛站給他縣驛遞謂斯地非要衝故也此見河南山西及成
 邊軍士入延綏榆林一帶者往往絲之自北而南者亦然使
 者過越縣官卒無以辦夫馬輒令里甲顧賃民不勝其擾安
 得復前一驛分站之給他處者以自供民庶其少休乎
 鋪舍急遞總鋪在舊布政行司右餘十有四鋪城東者一曰柳
 基曰交道曰懷仁曰安樂曰臨高曰白其達同州城西者二曰
 交城曰長閏達蒲城城西北者三曰蟒猛曰藥鋪曰紅羅谷達
 洛川

澄城縣志卷二 城局



澄城縣境圖

東抵郟陽

古句名驛

東抵南軍

南抵南軍

北抵北軍

南抵南軍



澄城縣志卷二

七

